

國朝名臣錄  
前四







國朝名臣言行錄前集

卷之七

徐居正

四佳亭文忠

姜希孟

文良私淑齋

林守謙

菖谷

成

任

文安安齋

李克培

翼平廣陵

韓繼禧

文靖西平

洪

應忠貞益城

盧思慎

文匡宣城

李約東

平靖

李坡

明憲

成

侃真逸

孫舜孝

文貞勿齋

尹孝孫

文孝

魚有沼

貞莊

卷之八



許

琮

忠貞陽川  
尚友堂

魚世謙

文貞咸洪

魚世恭

襄甫牙城

鄭蘭宗

翼忠  
虛白堂  
東萊

李從生

莊襄咸城

李德良

全義

成

覲

文戴  
嘯齋

柳洵

文僖文城  
老圃堂

李

陸

青坡

許琮

盧公弼

菊迨齋  
文城

安琛

蔡壽

仁川

李蓀

胡簡漢山

權景祐

金訢

顏樂堂

俞好仁

演溪



國朝名臣言行錄前集卷之七

徐居正 文忠公



字劉中韓四佳亭大立人永樂庚子生 世宗戊午

生進甲子登第賜暇湖堂選入集賢殿 世祖丁丑

重試丙戌叅拔英登俊兩試 成宗朝叅佐理功臣

封達城君歷大司憲六曹判書典文衡官至左贊成

戊申卒年六十九

景恭癸酉 光廟之赴京也徐居正以集賢殿校理隨行

渡鴨綠江宿娑娑堡是夕居正母訃至 光廟欲秘之

夜居正有異夢驚起流淚同宿者問之居正曰夢月怪



夫月母象也吾有母在堂夢徵不祥是以悲耳有以此  
言告者 光廟歎曰居正之誠孝足以動天遂以實告

之東閣  
雜記

刑曹叅判時有一巨猾假造文印盜占公私賤前後官吏  
不能決自公視事其間立見巨猾卽逃

時有訖者云 英陵非吉地當遷 世祖召問公對曰洪

範一篇聖人傳道之書而雨暘燠寒風為庸庸哲謀聖  
之應聖人之論至理如此耳若以山水方位配而合之  
為子孫禍福則臣未知其可也且世之遷葬求復福也

王者更有何望哉 上曰吾復無意於遷 陵也

並魚  
世譚



碑換

公承命著五行摠略以進上曰卿意以為祿命何如對曰以年月日時類推之命之四柱極於五十一萬八千四百而無復加矣固有四柱皆同禍福不相似祿命之書不足信也或曰如李淳風徐子平發無不中安可盡得而非之臣謂有明鏡於此物來照之妍媸自見如李徐輩心本虛靈如鏡之明吉凶禍福自燭難逃非如後世術士徒以五十一萬之四柱推斷億兆人之命也上曰卿言是也

世祖嘗從容語公曰卿儒者自古人君於佛可拜否公對



曰昔宋太祖韋相國寺佛像前燒香問當拜與否僧贊  
寧曰見在佛不拜過去佛太祖笑而不拜然則人君不  
拜佛正也拜佛權也公又曰太宗朝中朝宦官黃儼  
持濟州銅佛而來使太宗先拜銅佛而後行禮太  
宗曰彼佛若自中國來則當敬皇帝之命拜之今此佛  
自我國濟州而來何拜之有群臣無人陳此者予以為  
不拜可也竟不拜儼屈遂行禮大聖人所見畧同世

祖又笑之

並舊錄

祁郎中順之來使也遠迎使四佳徐公以久無白晷浴于  
成川郎中他到江公僅反於良策館郎中待公頗不款



至安州登百祥樓是日適有風圍之以帳公令譯官告  
曰古人以背山起樓為殺風景今以帳幔遮擁面江之  
地使不通眺望無乃蹈古人之所譏乎郎中曰宰相亦  
識字乎始作詩示之公走筆次韻郎中覽而嘉悅遂令  
八座迭相酬唱自此相得歡甚及還朝屢寄詩及東問  
敵不絕

釋官  
雜記

成廟幸成均館行養老禮語侍講官曰古昔治天下之大  
經大法蔡沈書序盡之矣卿等宜更演繹公進對曰唯  
聖罔念作狂惟狂克念作聖之機在於此心之存亡是  
以蔡沈之言曰二帝三王存此心者也夏桀商紂亡此



心者也。願殿下終始一心耳。碑

所著歷代年表輿地勝覽五十卷東國通鑑五十七卷筆苑雜記東文選一百三十卷太平閑話東人詩話四佳

集行于世

潛谷  
舊錄

徐居正典文衡二十二年掌試取士者二十三榜多得人薰學士越來頒詔本國見居正甚尊禮之曰曾見倪學士遼海篇又見祁戶部皇華集慕高風久矣今何幸得相見

成化間徐居正為慶尚忠清道軍容巡察使時兵曹請刊銃筒鑄天砲式令巡察使頒給沿海各官常行隸習



居正以為不可啓曰大藥出於倭地我境與彼密通況  
三浦之倭與國人難處恐或奸細之民潛通流入彼土  
非國家之深計也 上曰當初不復深惟其弊此言甚

當

並東閣  
雜記

畫師洪天起女子顏色一時無復適以事詣憲府推掬徐  
達城少時隨群小射的聚飲亦被拿去達城坐洪女側  
厲目不暫轉時南相智為大司憲乃曰儒生有何罪其  
速放之達城出謂儕輩曰是何公事之急遽乎公事當  
訊犯人之言又受考辭分辨曲直徐徐為之何急遽如  
是蓋恨不得久在洪女之側也儕輩聞之齒冷

補齋  
叢話







姜希孟 文良公

字景醇號私淑齋希顏之弟 世宗二十九年丁卯

登魁科 文宗朝賜暇湖堂 世祖丙戌叅拔英登

後兩試 睿宗朝叅翊戴功臣 成宗朝叅佐理功

臣封晋山君官至贊成卒年六十

姜公希孟為刑曹判書剖決明敏獄無囚人舊例以圈空  
啓之則有賞下僚欲啓之希孟不聽浹沈貞為刑判亦  
一日獄空方欲啓知適有捕告犯牛肉者貞語老吏曰  
鹿肉甚似牛肉吏揣其意即論以鹿肉釋之遂啓獄空蒙  
賞已卯士類或死或竄配甚多貞實下手而乃欲得刑



措之名其矯誣無忌甚矣若希孟之撫諷可謂有君子

之度矣

東閣  
雜記

公嘗曰宋朝朋黨之患起於寇萊公搏擊人物其流之弊  
雖程朱亦不免於黨今現年少氣銳新進儒士日以搏  
擊人物為事弊將何如筆苑  
雜記

姜私淑之詩文俱精緻典雅自是四佳之敵而其規模之

大不及四佳

晴窓  
軟談



林守謙

字益之號葛谷人 世宗二十九年丁卯登第以  
師儒薦歷司藝司成 光廟丙戌三對便殿後以禮  
曹叅議退老 成宗辛卯徵召入對拜同知成均館  
事

天順庚辰二月余以司藝丁母憂壬午四月終制以學官  
常仕承文院 上方求文臣講論經史成化二年丙戌  
六月初二日承政院承傳牌招顛倒衣裳詣閣文臣崔  
池孫次綿表永中金龜李叔文鄭孝終金慎知劉思德  
等先詣賓廳臣亦詣焉 上御康寧殿 東宮坐北壁



承旨李永垠洪道常鄭蘭宗李壽男贊成崔恒戶曹判  
書盧思慎兵曹判書金國光工曹判書丘浚直都摠官  
鄭軾輔德鄭自英司藝魚世恭及宗親若干侍側先呼  
崔池就御前崔恒出題易繫辭窮問通否卽啓至於臣  
問尺蠖之屈以求伸也龍蛇之蟄以存身也精義入神  
以致用也利用安身以崇德也直窮到處臣引大學明  
明德新民之說以對崔恒啓曰精通講畢浚命賜酒  
食上問易與太極孰先孰後以易為先者丘叅判等  
四人以太極為先者自英等五人反覆詰問臣以易為  
先反覆論辨以對上曰汝等皆退精思妙理皆達鳴



呼誠千載之一大幸也

七月初二日仕承文院承政院又承傳而招卽詣闕與金宗連鄭自英俱入賓廳上御康寧殿命招直講金紐正言金漬皆令彈琴俄而召臣三人就御前上以孔子夢周公高宗夢傳說莊子夢為蝴蝶竊問聖愚成夢之由臣引詩維熊維羆男子之祥傳解人之精神與天地陰陽相為流通故晝之所為夜之所夢其善惡吉凶各以類至是以先王達宮設屬覘天地之會辨陰陽之氣以日月星辰占六夢之吉凶贈惡夢猷吉夢其於天人相與之際察之詳而敬之至矣故前王巫而後史宗



祝瞽侑皆在左右王中心無為也以守至正反覆辨說  
以對 上又問無極太極心性情人物化生之妙臣引  
周子太極圖說與朱子四書註解以對 上又命禮曹  
叅判姜希孟更令窮問心性精微之蘊臣又引太極  
圖說與四書註解反覆辨說以對 上命賜酒食日已  
暮矣猗歟休哉

七月初四日昧爽承政院又承傳招之顛倒詣闕與丘致  
齒李克基俱就勤政殿月廊 上御康寧殿河城尉永  
順君崔恒韓繼禧盧思慎姜希孟衛將許亨孫等侍側  
召臣三人八御前 上曰大臣薦汝等曰學問精博宜



為師表予欲試汝等學問精粗其各悉心以對 上又  
命崔恒韓繼禧曰李克基丘致崗素聞其名林守謙素  
所不識予疑難處欲竊問又問聖愚成夢真與假歟臣  
對曰成夢之說前日展盡所蘊以對 上曰復詳解說  
又問高宗念慮所孚精神所格孰為先孰為後李克基  
丘致崗或以念慮為先或以精神為先臣以為念慮之  
極精神格于天且曰聖人思慮專一故所夢亦正高宗  
夢傳說孔子夢周公夢奠於兩楹之間曰丘殷人也明  
王不與其誰用我也吾其死矣寢疾七日而沒先儒釋  
之曰世世王祀夫子亦其夢驗至於我 太祖夢金尺



以現之聖人之夢可謂真矣常人思慮紛紛故所夢亦  
雜常人之夢可謂虛假矣 上又問無極太極心性情  
人物化生之妙臣竊探周子太極圖陰陽動靜之妙人  
心道心精一執中之功以對 上又問心性情意如何  
分別臣對曰心統性情性發為情心發為意 上又問  
其所以然臣對曰性無不善故情無有不善理氣妙合  
為心故意幾有善惡或有計較先儒曰情如舟車意如  
人使舟車此之謂也 上又問何者為善何者為惡  
臣引大學或問善者天命所賦之本然惡者物欲所生  
之污穢也 上又問善惡何自而生臣對曰太極動而



生陽靜而生陰陽善陰惡此善惡之所由生也 上又  
問然則善惡已具於太極乎臣對曰太極形而上之道  
也陰陽形而下之器也朱子曰太極不雜乎陰陽而亦  
不雜乎陰陽故臣以為太極純善無惡至於形既生矣  
神發知矣五性感動而善惡分萬事出矣 上再三詰  
問太極中善惡具乎否臣對曰凡物有形而後有善惡  
太極無形底道理故純粹至善陰陽有形底物故有善  
惡程子曰喜怒哀樂未發前何嘗不善是也 上又命  
崔恒更問理氣精微之妙臣引朱子太極圖說朱子四  
書理氣之說反覆辯論以對 上問臣時職左右曰前



御 卽呼吏書判書韓緒禧準職叙用事 傳教卽

拜成均司成 上召崔恒進爵又命河城尉賜酒臣等

旣而 上召臣臣入 銜前伏地 上召韓緒禧令問

臣曰今日大臣一處接見爾心何如臣對曰今日以一

介微臣得聞 聖旨若夢登天上惶恐無地

進之 御前 上以敬以直內義以方外詰問臣引易

坤卦文言傳解主敬以直其內守義以方其外以對臣

又曰主敬之功有四焉 上笑曰爾速具陳臣引程子

主一無適整齊嚴肅謝氏曰常惺惺法者尹氏曰其心

收斂不容一物者爲反覆辨論以對 上大笑又問主

一無適以今日之事形容以對臣對曰 聖上以無極  
太極人物化生之妙諄諄下咨至誠一意以對固無他  
心是所謂主一無適 上大笑又問爾何自而生臣對  
曰父母生之續莫大焉 上又問爾祖上亦何自而生  
臣對曰祖上其初也稟天地之氣以生世世相傳傳在  
於我祖父之氣即臣之氣也 上命崔恒夏進爵臣少  
退伏地 上呼侍女唱歌崔恒等皆起舞 上又命臣  
起舞 上大笑又問恒等守謙之舞何如良久乃罷出  
外靜思若夢登天上而覽在塵土也嗚呼誠千載難逢  
之異寵也

並師友錄



故同知林公以經術著聞嘗召至禁中親與論難性情之蘊及其以禮書叅議退老于行也以公經術宜為太學之師也以書徵之拜同知成均館事公記其殿上問荅之說又裝其諭書為軸而一時文章巨公為文若詩以贊美之者在卷凡若干篇謹按其召對在成化二年則光廟十二年也其徵召在成化七年則成廟二年也其官止於同知而享年至於九十其鄉即水原也其墓在水原府治西幾里云今覩此所錄進對之語可見其於經書傳註及先儒之言貫穿該洽也覩諸公所為詩文皆盛稱其以經術道德退卧林泉而思召起之

以教胄子為曠世之美事如徐居正金守溫姜希孟諸  
公皆以文章宦業致位卿相名垂後世是時其齒爵亦  
已高而其言皆尊敬之若後生之稱先輩長者也可見  
其積學之深恬退之高一時人望之重也顧我國文獻  
不足公之世邈今僅百數十年而國中之人未有知其  
名者獨此遺籍藏於其家而代數已遠其後孫亦不能  
知其學問德行及歷仕出處之詳惟因此錄見槩略如  
是耳金華崖說云公學於集賢直提金公汶金公學於  
司藝李公陽明李公游於牧隱陶隱陽村之門蓋東方  
學術自麗季以前不知為儒術也 本朝自靜庵以後



此學始大盛而其淵源實出於圃隱也今觀此說又知  
圃隱一派傳至於公而公在靜菴前矣夫聖賢之學湮  
晦千年程朱始闡明之而不續亦久矣况我東之涵  
實尤甚其能自拔於俗習而遠希聖賢之學豈不尤難  
也公於經術其所造詣雖未得知然其平生用力於此  
則決矣又能蟬蛻紱冕勇退林壑以終焉豈非世所難  
之高賢也且其聲名達於九重推重傾乎朝廷而身沒  
未幾其名遂泯甚矣東方文獻之昧昧也如是矣

公既老退居縣南道高山陽禾洞里又號高山處士徐居  
正記曰先生之敗老于鄉也朝訖皆曰先生懷竒抱藝

不大厭施不冝早退及論師儒之表必推先生為首

殿下即位以書徵還既至引入內殿咨訪治道先生極  
陳時弊數十條又論治天下國家必以教養為先引胡  
安定程明道兩先生已行已效之法反覆論達上比嘉  
納卽授同知成均館事時居正承乏長成均與先生同  
仕師席先生所履之純所見之明所論之確超邁卓越  
數年之間陶鑄漸摩人才輩出大有補於文明之治先  
生嘗裝諭書為一軸示余余伏讀再三深賀 聖上知  
人之明任人之篤先生遭遇之隆也昔陽城為國子司業  
大有顯效唐宗尚不能容出為道州柳宗元極論不可



先生經明行修退在田野而聖上旒其賢入居青監  
為師儒之宗其出其處明白正大亦可為斯文之模範  
其視陽城之不遇聖上能用為何如也是用書其軀  
端以示後來云

成任 文安公

字重卿號安齋昌寧人永樂辛丑生 世宗二十年

戊午進士丁卯登第由註書厯集賢校理吏曹佐郎

世祖三年丁丑重試丙戌叅拔英試官至吏曹判

書 成宗甲辰卒年六十四

公生而骨格異凡七歲受章句能通曉文義有同舍兒讀  
孝經公從旁默誌之退而口誦不失一字先公大奇之  
曰此兒他日必有大過人者

十八中司馬試陰補 健元陵直公辭曰男兒安當耀高  
科滴步亨衢安用屑屑小官為乃下帷讀書遂捷丁卯



科

世祖嘗聚文士于勤政殿出島夷山戎絡繹來朝箋依科  
場例取二十餘人公居首陞僉知

吏判有闕朝廷難其人世祖曰吾有一廬直卿等無慮  
尋以公為判書

公不喜塵務靜坐一室累石為山引水為池相對怡然

公休休有容人之量風流文雅冠一世其為學貫穿經史  
施諸政事蔚有經濟大才文章超卓詩表尤精筆法適  
俊可愛世祖出趙子昂書命公效之甚逼真世祖  
稱歎美之成宗晚知公之善書而公已病矣命取

盛年所書而覽之曰真天才也

公之筆法與子昂顏禎書景福宮門殿之額專敝雪菴人皆美之

公抄錄太平廣記五百卷詳節五十卷刊行於世又為太平通載八十卷又抄經史之文其對偶以文質空別之文者行語也質者著語也空者助語也又撰我國地畧半未成朝廷設局撰輿地勝覽皆因公規模也

公卒其子世諄及弟倪朝夕教誨讀書作詩每夜同宿相戲曰兩童能文章吾輩他日開門自縮倪嘗曰世諄不幸早死余之得至今日皆伯氏之力也



公嘗戲謂笏倪曰國法五子登科者榮贈父母存者賜米  
二十石我兄弟只三人然我登科又忝重試拔英試第  
侃登科汝亦登科重試拔英試過於五也我父母當享  
其榮而未有國法亦可恨也

並濟谷  
舊錄

咸文安公任真草隸三法皆妙先恭惠公曰仲文猶谷文  
景公以善寫鳴一時規汝筆跡似不墮家業公書法晚  
乃益進書圓覺寺碑 光陵嘉歎之近來書法公最優

筆苑  
雜記

李克培 翼平公

字謙甫廣州人遁村集曾孫忠僖公仁孫子永樂壬寅生 世宗二十九年丁卯司馬旋擢文科選掇院歷正言吏曹叅議兵曹叅判集賢提學巡察忠清慶尚全羅三道判吏戶刑曹掾司馬典春官者各三世祖朝叅佐翼功臣 成宗朝叅佐理功臣封廣陵府院君官至領議政燕山乙卯卒年七十四

少時從許文敬裊學文敬有識鑑之明每謂公非常之兒以外孫女妻公

以聖節使檢察官如京師有一通事化禁公掇法論斷一



行甫然前此通事犯法者多而檢察官不舉職故奸不止公獨一法不饒時論多之

世祖靖內難兼判吏兵曹見公深冤之每指之曰是他日都承旨度尚道守令萬戶有不法者特遣公糾察公悉摘發以聞而罷黜之無一人有怨言

判通禮門事 世祖親祀圓丘執事資窮者當陞堂上而公亦與焉臺諫駁之 傳曰餘子可也至此某寔宜以凡流待之

癸未丁忠僖公憂乙酉丁太夫人憂服闋詣闕拜 世

祖與 貞熹王后同御內殿引見賜酒卽封廣陵君

成宗辛卯全羅道飢 命公往賑其民公盡心措置一道  
賴以全活既還 上嘉之特賜衣一襲

丙午秋 上幸洪卜山規獵園諸將請驅逐群獸徑下平  
地射場急取之左右皆曰可公獨曰王者當取物以正  
若詭遇獲禽臣未知可 上嘉之

戊申春翰林侍講董越給事中王敞等頒登極詔 上出  
慕華館迓之越等詰本國迎命遠禮不卽進 上遣左  
右辨說者屢皆不聽至遣公見公德冠大加禮貌之卽  
來頒詔 上說特賜內厩馬一匹及其還也百官送于  
郊外公亦在其行越就公之位曰真朝鮮老成人



太學生李穆等論駁一大臣語頗不遜 上欲加罪焉寧  
相臺諫請釋不允公啓曰新學少年不知事體言雖不  
中固當容之 祖宗以來儒生言事者亦有之未嘗有  
受罪者今若罪之恐防言路 上許之

燕山乙卯命曾經政承以上各書嘉謨嘉猷以進公之書  
曰 成宗嘗臨雍乞言臣講論中庸至哀公問政章為  
天下國家有九經所以行之者一也曰古今帝王為治  
之要在此願 上留意焉 成宗特賜嘉納今臣亦無  
他辭臣之平生所學在此矣願復留意焉燕山鄭重之  
命承政院書諸冊以進

公氣度雄深志慮堅確本之以經術文之以史治守之以  
正大行之以忠勤歷事五朝出入將相身係國家休戚  
安危者殆三十餘年其間政柄在手寵眷叢身者久而  
明無干謁人無間言茲惟難哉

公嚴重平居寡言笑杜門不接賓客客至門者輒曰主出  
矣不以入報故至者亦少門庭常蕭然雀羅可設

公於物無所好只酷好書史常手不釋卷至老不倦其為  
學務實不務華口不嘗吟哦詩律自奉儉素食無萬錢  
之費衣不五采之備惟酒不美但和其面醺其氣而已  
未嘗以歌舞簪紱為娛常曰我或不得已對客聽樂則



終日茫然自失若犯重罪然也設國家事務存大體不  
舉苛細平生不喜言人過人有斥人之短者輒慙然曰  
果若有短當取其所長況難的其短乎

公常慮家門太盛戒子孫曰凡物盛則必衰若等毋或自  
滿名二孫以守謙守恭曰處世之道無過此二字

洪貴達  
撰行狀

並虛  
白堂

韓繼禧 文靖公

字子順尚敬之孫永樂癸卯生 世宗二十三年辛

酉進士丁卯擢第拜集賢殿正字歷校理執義藝文

直提學工曹叅判吏曹判書 睿宗朝策翊戴功臣

成宗朝策佐理功臣封西平君官至左贊成壬寅

卒年六十

公生而穎異性又端重不妄笑語動止從容中禮屹若成  
人稍長知讀書忘寢食學日就中進士八甫監以平日  
所得所疑者質之師友研精覃思欲究底蘊不得不止  
由是所見益高所得益精大為儕輩所推



世宗留意典籍達藏書閣購求中國四方諸書充濫棟宇  
公居常披閱無書不讀特覽強記其落載腹人或比之  
世南秘書平時公暇朋僚盍簪高談異論英藻連發公  
端坐正色手執一卷目注心想不左右酬荅一座嚴憚  
世祖以公學問精邃勤謹奉公凡經籍典章裒集纂述委  
任責成公日慎一日中罹疾恙瀕死者數上甚軫慮  
手製文禱之病間召見 使殿謂公曰汝憐我心我憐  
汝色我嘗病卿嘗救之卿令病我亦憂之其憂之深故  
至不欲聞卿姓名不齒今日得見卿面勞慰甚至其得

聖眷如此

丁亥夏逆臣李施愛煽亂東北殺節度使觀察使據吉州  
叛又欲謀害在廷大臣飛語上聞公名亦在其中

上召引群臣咨議處置被告將相皆就私筭待罪公獨  
不知隨例而入中官止之公逡巡不敢進上笑謂公  
曰卿來何後耶命與群臣同議仍留禁中逾月遣還  
公忠誠明白素著故雖在危嫌之地見信於上如此  
自是常居帷幄謀議贊襄卒之元惡授首一方寧靖公  
之籌畫與有多焉

戊子八月上弗豫召公入侍越數十日  
上疾大漸

世子侍側上謂世子曰平日欲作如祖訓條章者



援汝今既不能略舉大槩一曰敬天事神二曰奉先思  
孝三曰節用愛民汝其體念毋壞我寡命遂命公導  
揚末命于世子俯伏祗承上又謂公曰知卿忠赤  
命卿輔幼子卿其不忘幼子幼子亦豈忘卿庶幾相濟  
九月某甲上召公諭以內禪之意公曰此大事勿煩  
聖慮以靜調攝上厲敎者再命公取大寶袞冕授  
世子世子跪拜受出御正門受百官賀翌日上  
昇還自 上遠祿至于內禪事機蒼黃公在宥密周旋  
左右咸中其宜非公篤棐之忠能然乎

一日群臣會訖大行廟號睿宗命公諭群臣曰先王

功德隆高非一二字可旣欲上十八字兼判禮書朴元  
亨訖加二字 上怒曰誰立此訖沮敗我意群臣莫敢  
出言公曰奉 旨不稱致有此訖臣實有罪 上霽威  
公之謙恭自損類如此

公中年以後疾病沉綿形容消瘦多時告謁怡養精神常  
自退挹若無意於名宦者其高風雅量不可尚已

公資性簡重操履端純平生立志毅然以古人自期出乎  
辭氣發於議論者明白正大無纖毫瑕類居官履事清  
白自持與人語先自退讓未嘗表暴厓異及臨決大事  
確不可犯居家儉約自奉甚薄耳不聽絲竹目不睨粉



黛面書一室淡如也知遇我先陵千載竒逢寵極而心  
愈小位高而志愈卑列聖相承眷遇之勤有隆無替

公能砥礪名節保全始終嗚呼盛哉

並徐四佳  
居正碑

韓公繼禧學問精詣識見高邁大為先陵哭遇為吏書

判書浚容啓曰臣待罪銓衡常開閣迎士大夫品題人  
品尚恐不能甄拔賢愚况今設循資之格嚴奔競之禁  
是使聾瞽辨駁色乞罷之上曰使繼卿者皆如卿則  
可非卿不可公之注擬人物一出至公不以私恩貸親  
舊士大夫有或為子笄求官者不甚拒之曰古人云內  
舉不廢親子笄苟賢則言之者非過用之者非私苟以

謂膏粱子弟稍存形跡非用人大體也

華苑雜記

西平公韓文靖公累代勲德富貴赫然而永蘄自守祿俸所入亦必散賑宗族之孤寡者以此家道涼薄朝夕菜糲老而愈厲兄西原府院君結義閭之時時周給亦皆辭以不受一日設門會於上黨府院君明潛之茅一座咸曰西平年紀已高自奉猶儉服御之跡規瞻極未安盡思所以處之上黨曰此吾之責也遽呼兒取紙筆來成一卷列署諸親在座之名上叙公清簡之德次述一門不能奉承之失末言微物不足稱情之意遂以與仁門外鼓巖下稻田種十石者獻公牢讓不受上黨以下



且起且拜齊辭共贊勢不中止然後始受之然其踰階  
不安之色可掬也老少咸起舞扶醉夜還可謂一門忠  
孝之盛矣先大夫外祖母卽西平之孫吾宗家數巖田  
亦分於此者云

寄齋  
雜錄

洪應 忠貞公

字應之南陽人 文宗元年辛未登魁科賜暇湖堂  
睿宗朝叅翊戴功臣 成宗朝叅佐理功臣封益  
誠府院君官至左議政配享 成宗庄庭

成宗朝左議政洪應啓曰今因憂旱至於求言臣周詳庶  
事無一事可致天譴顧臣非才濫叨台府未厭人望乞  
解臣職以荅天譴乎 傳曰以旱災人皆辭退則誰與  
共理庶政乎且可代卿者有幾人哉不許

經筵講訖領事洪應啓曰臣聞命停廢尚薺浦等城臣未  
知其由 上曰此事業已共議而處置之應啓曰 祖



宗設軍之意令萬戶長在船上守禦然軍裝等物不能盡載船上故為萬戶者勢不得長在水上若設城堡則雖有不虞之變據城以守之不至於甚敗 上曰群議不一故停之特進官李克瓌曰各浦軍器軍糧多不在船上如有倭寇突入船上失守則在陸之物亦難保有雖良將勁卒何能為哉若據城以守而援兵亦有則豈至於盡敗乎 上曰然則等之可也應曰若役齊民以等之則有弊使當鎮船軍等之則可無弊矣況慶尚全羅道今年稍稔而又有拾石就功不難矣 上曰然

己酉三月經筵講訖洪應啓曰臣聞本國使臣之還中朝

遣序班護行到義州平安道困於支饋諸邑凋弊職此  
之由請因使達于禮部使不至義州 上曰中朝遣序  
班雖名為享待而實以本國使介遊行之人或狂率不  
謹故欲令序班禁職也他日使命之還因使通于禮部  
可也

庚戌四月經筵洪應啓曰五鎮判官試以文官除援而今  
遂為成法五鎮防禦兵甲之事固非儒者所能也今者  
例遣文臣故年少武臣不知五鎮之事此甚不可今復  
五鎮內文臣三員則武臣二員武臣三員則文臣二員  
差援何如 上曰雖遣鎮不可專用武臣故以文臣試



之爾然當依所啓

公風標端雅操身有律有文名善書人以

相稱之

輿地  
勝覽

盧思慎 文匡公

字子胖閔之孫宣德丁未生 文宗辛未生貢 端

宗元年癸酉登第賜暇湖堂選補集賢侍士 世祖

朝以承旨起拜戶曹判書丙戌擢拔英登俊兩試

肅宗朝叅翊戴功臣 成宗朝叅佐理功臣封宣城

府院君官至領議政燕山戊午卒年七十二

幼與洪諷政應同遊學洪之舅尹叅判資烱有識鑑一見  
異之謂洪曰盧家兒真遠大器畢竟其名位當與汝相  
埒矣

陞都承旨嘗入 內殿講論經史下對如響 上每夜分



忘倦留宿禁中之日居多 上方重經費擢授戶曹判  
書經國大典命公分掌裁定戶典是公所撰 上嘗評  
論宰相之才曰公曰豁達第一

明使姜浩來公為接伴浩稱公為知禮其返也公在途患  
痔浩以所乘輿與公自跨馬行見重如此

並習谷  
舊錄

正言趙彛嘗駁盧思慎戊午史獄作尹弼商既殺李穆且  
謂盧相曰彛亦可殺盧曰是何言也終不聽

子先以獄事自任曰今日是朝廷改排之時須有如此大  
處置日夜鍛鍊為綱打計謂尹弼商曰此人黨與一切  
鉏去朝廷方得清明盧思慎曰武靈何至為此言耶清

論之亡非國之福子先少沮


並紀年  
通考

公好讀書博洽精微與李克璫柳子先叅啓史獄惜哉

舊錄

虛思慎等纂修地誌以進名輿地勝覽





李約東 平靖公

字春甫星州人 世宗辛酉進士 文宗元年辛未  
增廣文科歷持平陞通政 成宗丁酉拜大司諫未  
幾特加嘉善以千秋使朝天歷同知成均館事吏曹  
叅判開城留守庚戌特加資憲拜知中樞府事遂引  
年退畋金山優游以終年七十八

公生而志學博通經傳天資寬厚秉心堅確不喜浮華不  
治產業性又剛正人不得指以為是非真有德君子也  
公平生以清慎自許訓子孫必以見金如石嘗以詩遺子  
孫曰家貧無物得之分惟有單瓢老瓦盆金玉滿籬隨



手散不如清白付兒孫

公德行文藝冠于儒林早與佔畢齋金先生為道義交晚

登科筭以文武全才為世所推

並舊譜

公嘗為濟州牧使及其故也只持一鞭旣而曰此亦島物  
掛之官樓歲久鞭落邑人盡其跡於掛處以寓慕焉

渡海時舟到洋中忽傾回幾危公凝然曰吾行無一私寔  
懷中人欺晚致令神明諭我耶初本州將士輩以公曾  
薦儒將為賁一甲待公披甲之日而恐公知之則必却  
潛付陪行褊裨俾於越海後詮告矣至是皆以為江神  
亦不欲晚公冰操有此異事遂告以實公命授之乃波

定舟行至今名其所曰投甲淵

並輿地勝覽

畢齋常推翊公其贈公詩曰百群班中三達尊又曰公是

詩書真領袖又曰虛堂若要調元者時論應攸獨立君

本集

致祭文略曰天資端謹至性純直出宰百里治稱第一分

陝宣化遺愛棠蔭曾長薇垣實賴勵翼

佔畢齋先生遊遊平靖公李約束以德望清白著聞

東儒師友

錄

金山人立書院於公所居與佔畢齋及青梅溪同享院神

景瀛稱公老村先生濟人亦立祠享之



This image shows a blank, aged, cream-colored page, likely an endpaper or flyleaf from an old book. The page is ruled with vertical lines, creating a series of narrow columns. The paper has a slightly textured appearance with some minor discoloration and small dark spots, characteristic of old paper. A small, dark, rectangular mark is visible near the top center, and a small, dark, irregular mark is visible near the bottom center. The page is otherwise empty of text or other markings.

李坡 明憲公

字平仲李甸之子宣德甲寅生 文宗元年辛未登  
第賜暇湖堂歷都承旨吏書叅判禮書判書官至朝  
賚成

公登科八年之間起至通政年芳而位高人不見其驕矜  
之色 世祖朝為都承旨朝夕啓沃裨益弘多 世祖  
嘗御便殿猶召公引其手以龍顏摩其面顧謂世子曰  
此他日汝臣也其勿忘遂 命親酌以飲之遷吏書叅  
判

一日入侍經筵退食賓廳 成宗令中宦賚烏犀帶一腰



以賜曰深嘉卿典禮三載無有過舉遂招加崇政臺  
交諫其不可 上曰論人不論級乃予平日之志勿復  
言

公素稱該識典故儀禮尤其所長凡朝廷大禮古制雖存  
而疎簡可疑者公必商度古今務合於理 永寧殿用  
樂與 宗廟異公啓臣嘗記 世祖之言於穆清廟祀  
文王之詩而用之郊用之廟我國保太平定大業之樂  
通用於 宗廟永寧殿亦可也臣覩龍飛詩非徒述  
太祖之功兼記 桓王以上四祖之德 永寧殿用樂  
合依 世祖之教 上以為然

公聰明絕倫善於談論 上令諸宰論難庸學虛患慎首  
發性道教三字次以理氣先後徃復不已公應之如鄉音

見潛谷  
舊錄



100

成侃

字和仲號真逸任之茅宣德丁未生 世宗二十三

年辛酉進士 端宗元年癸酉登第賜暇湖堂官

集賢殿修撰 世祖丙子卒年三十

公少時放蕩不羈嘗持杖日遊閭巷人固難當年十三折

節就學十五中進士二十七登科第三召拜典農直長

移八集賢甲戌陞修撰丙子移正言未就官病卒年三

十嘗請人曰文章技藝我皆能矣所不能者惟樂耳仍

學琴稍知音律自卜其名曰吾年三十足矣果合其數

時匪懈堂以 王子好文學書法奇絕為天下第一性浮



誕好古作武夷精舍于北門外又臨南湖作淡淡亭藏  
書萬卷松聚文士作十二景詩又作四十八詠聞公有  
名伴人邀之公往謁賡賦亭中諸詩詩語高絕遂敬待  
而送之期以後日再會母夫人謂曰王子之道當閉門  
麾客謹慎無他豈有聚人作朋之理其敗可待汝勿與  
交其後再三招之竟不往未幾敗一門皆服母夫人之

先見

並潛谷  
舊錄

成仇少以文章鳴為人頗不揚集賢殿有燕會必邀為坐  
客由是士謂鰲醜者為坐客李二相坡自以風彩當  
世第一而面上有髯有戲之者比之尹吉生李甚病之

蓋尹貌儉而多髯故也吾家有讌集諸宰盛會時成為  
司饗院正李目成浪吟曰有客有客成飢食正自釋曰有  
客之客坐客之客也成立對曰于憇于憇尹吉生蒲坐  
無不失赧絕倒

世祖嘗策士見成笑曰汝雖才貌甚陋他職可承旨地近  
必不可也至今謂成為御覽坐客

並青坡  
劇談

成修撰侃自幼博覽廣記無書不讀經史百家諸子天文  
地理醫藥卜筮道經釋教算法譯語皆涉獵其徑庭聞  
士大夫朋友之家有幽經僻書亦必求見乃已予之在  
集賢殿侃求見藏書閣中秘書予曰內秘書不宜輕示



外人難之一日獨俛直忽聞聲咳報乃侃也求見秘書  
蓋切乃許之終夜張燈不交目睫閱之幾盡後言閣中  
書籍體制卷帙亦不少差後十年侃亦登第八集賢殿  
長坐閣中左右書籍靡日盡夜閱盡群書同列以書淫  
傳僻譏之然讀書過勞消愁成疾年三十而卒惜也

雜記

苑

孫舜孝 文貞公

字敬甫號勿齋又號七林居士平海人宣德丁未生  
文宗元年辛未生負壯元 端宗元年癸酉登第  
世祖三年丁丑重試歷典翰承旨 成宗朝拜江  
原慶尚京畿三道觀察使大司憲刑書判書典文衡  
官至右贊成燕山丁巳卒年七十一

成廟朝出為關東方伯一日入京甫拜 成廟御俊殿引  
見賜酒接語浹容良久而罷即日下直還去兩司論其  
以藩臣未有召命擅自上京請罷其職以懲無禮之罪  
成廟引兩司於俊殿而賜酒問曰久准榻下思恋其



果見而去人臣之至情而如是論之罪之輕重予未及知頃詳言之兩司跋踖而退

松窩雜記

孫公舜孝愛君之誠貫於金石其為京畿監司也巡行列邑如遇一蔬一果一味之可其口者輒取以封進

寄齋雜記

上設養老宴于仁政殿命世子押宴公進戒曰昔成湯

日新又新聖敬日濟文王緝熙敬止願世子毋忘又曰

成湯不遁穀色不須貨利願世子念之世子具以轉啓

上曰卿嘗以嘉言進戒今又教世子予甚嘉悅賜段

衣一領

潛谷舊錄

燕山在東宮多無度群臣咸知其有童心孫公舜孝一日

乘醉直上 御床以手撫之曰此座可惜 上曰吾亦  
知之不忍廢也諫官奏曰人臣上 御床已大不敬又  
敢附耳語是無法請下舜孝獄論如律 上曰舜孝愛  
我戎我以新酒當何罪也

孫公舜孝位賚成蕪大提學 成廟愛其才甚重之每戒  
其好飲曰卿自後無過三盃舜孝曰謹奉 教一日承  
文院上事大文書 上見其表文不善亟命召大提學  
使者十輩不得舜孝踪跡 上御便殿屢起龍床待之  
甚勤落晚舜孝始至露髮不飲酒氣滿面 上怒曰今  
此賀表文不好欲使卿改撰卿醉如此且予曾面戒勿



飲約不過三盃卿何不踐其言也對曰臣有女子出嫁  
不見夕矣今日徃過留之飲故不敢拒但到三罷而止  
上曰酌以何器曰飲以食餉鉢者三耳上曰卿其  
醉恐不能作文當招提學與之換定可也對曰不須煩  
提學臣請結換俄已曰臣已作願請書之上曰卿雖  
妙書副本不可醉揮須用寫字人可也舜杓強曰臣請  
寫之上命給筆硯舜杓手揮三四筆摸畫掌中曰不  
可中書上命撤御硯賜之取其一新管畫之曰此可  
用之因請曰臣老矣請得床而展之上又命與之舜  
杓卽就副本書之書罷倒筆循行而看一過跪而進之

上急取觀之文無一字可竄者無一字可刊 上大

喜卽付承文院封裹以送因命司饗院供宴具以樂之  
命舜孝極飲遂大醉 上命起舞問曰卿能作詩乎曰  
唯命 上命以張良為題遂命以中字舜孝立而應聲  
對曰竒謀不售浪沙中又以公字對曰杖劍啟來相沛  
公其對封字曰借筋已能成漢業分茅却自讓齊封其  
對松字曰平生智略傳黃石末路功名付赤松其對雄  
字曰堪恨韓彭竟道豎功成身退信英雄無不應之如  
響 上大說曰卿可謂老當益壯者也飲酣 上命出一  
老宮人彈琵琶而歌之又命舜孝起舞舜孝醉倒不能



起 上解藍錦段貼裡覆之而入群臣之間乃如此至

令聞者感淚

並五山  
說林

孫贊成舜孝忠孝朴直 上亦極好之一日晚與二宦登

慶會樓遙見南山側有數人環坐林薄間 上認其為

舜孝亟使人覘之舜孝果與二客飲濁酒盤有一黃瓜

而已 上卽具一馬盛饌酒肉馳賜之仍戒曰明日慎

無謝他臣知之必嫌其偏也公與客稽首涕泣醉飽淋

漓明曉又來謝 上召見責其不遵戒公泣曰臣但謝

恩他何計焉孫公舊基今在明禮坊洞上層云

寄齋  
雜記

成宗昇遐公晝夜呼哭曰天日之表那得復見不食月餘

孫判院聚古人三休四休之說稱七休居士為人純謹無  
他每事徑情直行若開風俗綱常必先致意醉則發豪  
語無已時嘗為江原道監司適時大旱禱雨無效公曰  
不得兩者無他守令不無誠也如或盡心感天則天必  
應之遂齋戒親出祈雨半夜聞雨散喜而起曰我嘗謝  
天被朝服立庭中無數拜天雨勢漸急有吏持傘倚浚  
公曰壓尊處安用傘為命去之衣裳盡濕又為度尚道  
監司若過孝子烈女門閭必下馬再拜雖雨不避都事  
李緝擁策坐田間公拜畢謂都事曰足下何以為之緝



曰我先令公拜矣左右無不掩口又嘗至平壤見箕子  
墓下馬膜拜曰東人至今囿於禮義之場者專是太師  
之教又嘗陪獵于穿嶺極席被園公乘醉抽木箭弯弓  
馳馬欲入之衆人力持而止凡事多類此每於 上前

書忠恕二字懇懇陳啓 成宗以為忠直遂至大用公

位高而操心愈約每對客設酌只用黑豆苦菜松芽為

菽專惡繁華之事

補齋  
叢話

七休按行列郡道見孝子烈女旌表必下馬再拜而過就  
金烏山下吉先生再故居為文以奠之曰拜瞻祠下衍  
禋儀形惟烏山洛水之如昨念先生兮安在奠魚黃與

荔丹萼英灵之不昧也此老無意雕琢於文字間膏中  
所發自能如此可以相見其風槩

孫勿齋為方伯時若遇旱輒每致齋虔禱雨輒悅之如不  
雨則怒其神曰余禱汝雨而不雨何也怒神言雖非自  
反之道而身若不誠則必不能發此言也

丙辰丁巳錄

孫公為贊成值大旱分差祈雨於名山拱立列日中一步  
不敢少側日既沒天無雲公抱笏低首而歎曰天豈有  
不享誠哉必無其誠矣目咎不寐既焚香奠爵若有呼  
者曰當大雨勿惱也明日大雨沛無不浹洽而止盡誠於已  
責必於天求之於古豈多見哉至誠可質神明者不知



其人歟

寄齋  
雜記

圃隱鄭文忠公祠堂舊在永川郡文貞七休公嘗按是路  
巡過郡境馬上醉睡曹騰昏昏過圃隱村夢間依稀見  
一老翁髭髮蟠如衣冠偉然自言圃隱且云所居頽廢  
風雨無庇如有意相属之色七休驚異之詢古老得其  
古址畧郡人營之堂成物備躬奠以落之自傾大危醉  
書堂壁曰文丞相忠義伯西先生肝膽相照忘一身立  
人紀千萬世景仰無已惟利所在古今奔走清霜白雪  
松柏蒼蒼構屋一間以蔽風雨公灵安兮我心安兮竊  
疑忠魂毅魄在天地間藹然與造化元氣同其流豈肯

區區以祠宇成毀有所丐貸於人耶意亦此老膏中休  
休平生以忠恕為心其精神氣脉或能感通於恍惚間

耶

龍泉談  
寂記

寧海府西有泣嶺俗傳使星若初踰此嶺則必有凶事人  
皆避之孫七休舜孝為觀察使直到嶺上白古樹題詩  
曰汝揖華山呼萬歲我將綸命慰群氓箇中輕重誰能  
白日照然照兩情因改名破旌峴

祥官  
雜記

凡人之將死精神不亂安然敗化者非有道者則固不能  
焉孫二相舜孝常自言吾願必無疾痛而終一日與諸  
寧劇飲話竟夕晨起謂夫人曰吾氣似不平呼諸子來



述具飯飯訖曰吾欲效少時挾冊遊師門也乃取一卷  
書掖之上下階級數次曰困矣吾欲休焉乃隱枕而卧  
家人以為就睡良久視之則息絕矣常命好燒酒一大  
壺埋于靈石下如命焉

謏問  
錄

尹孝孫 文孝公

字有慶南原人宣德辛亥生 世宗三十二年庚午  
生負 端宗元年癸酉登第 世祖丁丑重試歷舍  
人全州府尹海西觀察使官至康祿左叅贊燕山癸  
亥卒年七十三

孝孫晁時能屬文其父為訟政府錄事清晨往相公朴元  
亨之門閤人辭以寢不為通日晚飢困啟家謂其子曰  
余以不才喫辱至此汝頂勤業毋如爾父也孝孫書其  
刺尾曰相國酣眠日正高門前刺紙欲生毛夢中若見  
周公聖頂問當年吐握勞翌朝其父不省又往投刺相



公見其詩卽引八問曰是俗所題否其父驚懼失措審  
其字畫乃孝孫筆也乃吐實相公令召孝孫至則穎悟  
不凡極加獎歎時相公有少女方擇婿八語夫人曰吾  
今得佳婿矣夫人不可曰我女豈可與錄事兒為婚相  
公不從竟婚其女

楚峯類說

公世家南原躬溪獵山木以供甘旨節日餽壽嘗自製一  
曲曰北有屯山嶺南有智異山願借兩山壽萬歲奉慈  
顏先自歌之遂起舞悅親之事雖兒戲無不為

潛谷舊錄

為全州府尹政尚慈仁吏民愛之廉陞嘉善

輿地勝覽

公器識精審詳密預撰經國大典五禮義註當時諳練典

故無比故事文廟釋奠其饌物設席而奠公常赴京見  
中朝禮請設饌卓從之 王世子冠服與朝臣同公又  
啓曰 世子服朝服無貴貴之義請具七章遠遊冠絳  
紗袍下其詔皆曰可遂以為式

公凡三出守皆為親屈公之治邑也民被其澤固不可一  
一言然其化俗之由蓋有說其在長與也時則具廢矣  
日奉問不絕時手以甘旨於全於羅浮昌已逝親扶板  
輿奉慈顏安于衙之淨室置別厨與夫人親甘旨雖賓  
客至必告由入進饌然後出待如是以為常遇其民間  
境內年邁者籍記之月致酒肉民之親感而興起者可



穀之乎

公有一弟資產歟母鄭氏常以為念公與之粟一百并一  
奴鄭悅撫其背曰吾孝子

公居家常整冠危坐教子孫以忠孝誠信接人無一冗語

一是溫溫也

並洪虛自貴  
達棋墓誌

觀察海西教書略曰孝友之化鄉里者非一二計數名之  
動縉紳者垂四十年茅綠愛日之誠屢上乞郡之奏行  
篤顏嘗人不聞父母兄弟之言治邁龔黃民無有歎息  
愁悵之歎此實跡也

魚有沼 貞莊公

字 人 世祖二年丙子武科魁丁亥封李

施愛策敵愾功臣超授工曹判書封藥城君 成宗

朝又叅佐理功臣歷兵吏曹判書官至右贊成

成化丁亥吉州人前會寧府使李施愛殺節度使康孝文  
據州以叛以龜城君浚為都統使贊成曹錫文為副康  
純魚有沼為大將起渡許琮為本道節度往討之純琮  
等大戰于洪原又戰于北青又戰于蔓嶺賊乘高據險  
矢下如雨我軍不得上魚有沼以小舟載精兵着青衣  
與草木色無別由海曲攀木緣崖繞出上峰俯賊背鼓



譟賊大驚頗下軍亦乘勢蒙楯蟻附以上賊遂潰施爰  
走吉州盡收婦女財寶欲入虜中吉州人許由禮誘賊  
黨李珠等擒施爰來斬于軍前傳首京師進爵浚以下  
策功賜勲券時有夾攻達州衛李滿任之勅遣魚有沼  
南怡等回軍赴之有沼直擣巢穴斬滿任父子擒獲無  
算乃斫大樹白而書之曰某年某月日朝鮮大將魚有  
沼滅達州而還天兵追到見大書具由以奏 帝遣使  
褒獎賜彩段白金紋綃西洋布又賜魚有沼等銀兩表  
裡方其旋師也虜驍騎數十衝突我軍披靡有沼瞋目  
而出戍士卒毋得相從單騎馳射連發殲之虜驚潰不

敢違

紀年  
通考

永安道城底野人有舉部潛移他處者朝廷恐生他釁特遣魚有沼慰安之以有沼曾為北道兵使服其心也有沼信道而進先使人於其部開示教書野人初不信曰誑我軍也遂投其書于地使者曰汝苟不信魚令公來矣野人曰令公果來乎令公來則是我父也可得見之乎有沼聞之馳入其部虜皆罷拜有沼開誠撫諭皆悅服敢命遂命其酋長而還使還其居

東閣  
雜記

冬大閱于京畿贊成魚有沼從駕至永平暴卒于園中有沼性本寬和與人無忤處事詳密有儒者氣象臨陣對



敵意思安閑

紀年  
通考

魚贅成有沼遠祖重冀本姓池生而體貌奇異腋下有鱗  
甲及長仕高麗王太祖時人咸稱某三鱗甲非常人也  
太祖見之曰汝有鱗甲乃是魚也仍賜姓魚

東閣  
雜記

國朝名臣言行錄前集卷之八

許琮 忠貞公

字宗卿，號尚友堂。陽川人。宣德甲寅生。世祖丙子

生。貞丁丑登第。丁亥討李施愛，策敵愾，勲封陽川君。

成宗朝，又策佐理勲，歷大司憲、兵史、戶判、資成官。

至右議政。甲寅卒，年六十一。

公少時，奇偉不類凡兒。年十二三時，與同隊小兒上寺讀書。一日夜半，盜來盡偷諸兒衣鞋而去。一日諸兒恐怖，皆散去。公獨確然不動。高枕大卧，取筆書壁曰：「既

之夜，吾鞋之莫偷，既奪衣，又偷鞋。此劫為盜先生不



取也

思齋  
據言

世祖抄簡文臣分習天文地理公屬天文學研窮法天之  
法適有日食之變公書啓推步其末並論 上好佛法  
喜遊畋不御經筵不納諫諍之失 上以為有志有才  
命加一資其後以兼藝文講書 上曰汝是前日言事  
者歟公申論前啓之意 世祖欲試其守命梓下又取  
匣釧橫膝命力士崔適曰侯吾拔釧盡匣即斬之徐徐  
拔之釧光閃閃未垂露旁侍者股慄而公確然不動隨  
問而對音吐洪暢 上還納匣中曰真壯夫也大加稱  
賞命進酌公徐就尊所酌酒進退雍容可觀

許琮乙酉拜北道兵使年三十二丙戌丁內艱以康孝文  
代之明年李施爰反殺孝文 上曰誰能為予辨此卽

日除公節度使公不敢辭翌日陞辭在途聞觀察使申  
澍被辱倍道至永興聞都摠使龜城君浚屯兵不進為  
書諭之 據蔓煩我軍仰政死傷過當公

指示魚有沼令潛師魚貫而上萬衆齊呼不能支吾施  
爰跳去諸將欲急追公曰自古元亮失勢其下必相商  
施爰之頭將至矣數日賊黨李珠等縛施爰至軍前

並替

谷舊錄

南怡之獄領中樞府事康純辭連亦就訊怡受刑脛骨中



折遂引伏曰康純教我也純曰年過七十位極人臣有何利而教南怡乎怡笑曰吾之不服者庶幾圖效於後日今脛骨皆折已作殘疾無用之人生亦何為如我少少者尚不惜死白首老革死固宜矣吾故諍之 睿廟問曰兵書判書許琮亦知之乎時琮入侍惶恐伏地怡曰琮忠臣不知也願用之勿疑

時齋雜記

成宗癸卯 貞熹王后薨于溫泉攢宮奉柩于城外永順君家贊成許琮啓曰昔河崙死於外命入城殯之重大臣也今以俗忌 大行王妃在城外臣竊痛之

潛谷舊錄

弘治戊申董侍講趙王給事啟頌 登極詔許忠貞公琮

以遠迎使候于義州西使尚矜持視人蔑如左右執事者小失尺寸則必詬怒曰我非甬國紹璫敢爾無禮耶蓋往時奉使者多我國八朝官寺故有是言及見公身長玉立衣冠偉然兩使瞿眙相目曰堂堂哉若人自是巖稜漸消左右雖或迂意皆不問每見公必留語浹容相與討論經史或至夜分而罷一日王給事語及嘗奉使遊蜀公問蜀有二路陸由麋斜水由荊門公由何路給事曰由江而入公又問曰江出岷濫觸至夔東峽極險至夷陵始漫流信否因舉江至某某地為某某水沿江上下褰樊荆剗數千里間山川遠近戶口多寡以至



古今英雄豪傑并吞割據歷歷縷數兩使心服前接公  
手曰若非膏藏萬卷何能如此公問中朝典故雖宮禁  
隱密皆為公盡言畧無所諱兩使還到江上依依不忍  
別至滌出曰聖公早時來朝使中國知海外有此人還  
朝嘖嘖縉紳間曰所不知者天上也人間則無復其後  
父郎中璵奉使而來為人傲狠遇卿相貴人皆睥睨不  
為禮然入境首問公起居及見公歛容屏氣送迎鞠躬

甚禮重之

釋官  
雜記

拜永安觀察使摩撫煦庥一方寧謐公詣學謁聖 領之  
暇執經講讀儒風大興六鎮之人咸重跡來學道內大

旱公齋宿沸流水上投文禱雨玄應輒至闔境大穰辛  
亥秩滿當遽將征尼个車故命仍之公受命與師虜果  
遁登山望我軍不見其際慨然曰彼皆人耶何如是夥  
也公之此行非徒尼个車震疊連州三衛聞教亦懼  
上聞師還遣都承旨鄭敬祖賫宣醢迎勞蓋異數也

公天稟極高加之邃學卓識神謀默斷出人意表平生以  
忠直自許論國家大事披肝瀝膽言不得行則繼之流  
涕百行純備而孝友尤卓絕大度包容無物不容而至  
於論人奸邪直言無隱早貴隆赫清貧如寒畯所居湫  
陋人所難堪而處之泰然嘗曰宦貴在天何用力求妄



希非分適足為害

並潛谷  
舊錄

成廟廢妃尹氏親事紡績嘗上朱永機織綃成廟往見

之妃下機而言曰上監何身之長也上曰又有長於

我者當召試觀之遂命召許琮入許公蓋身長十一尺

設問  
瑣錄

陽川名許琮狀貌魁偉風彩嶷然一時推為大人君子自

少時學能文至於天文律曆醫卜之技無不精通而又

能弓馬國有大事必以公為元帥然不治家產所居僅

蔽風日淡如也

青坡  
劇談

尚友堂病劇上遣內官問浚事公已危遂開目喉語曰

願 殿下慎終如始訃聞 上輟肉膳曰於大臣之亡  
伊誰不痛如許相盡瘁國事深蹂不毛侵犯風露榮衛  
損和此予尤痛忍食肉耶公亡朝廷若空士林相吊至  
有失敬而哭者

李陰崖跋尚友堂詩曰國朝名相在 莫陵曰黃曰許在

宣陵曰許公諱琮字宗卿號尚友堂初釋褐以慢佛  
見忤 先陵屢以淫威以試其守旋命進爵逆容不失  
儀範自是華聞日著躡致青紫不由階級儀規環偉風  
采凝嚴如秋天冬日望之也厲卽之也溫尤好性理之  
學沉潛考究多其所自得者非銖積寸累塗諸耳目者



此復貫穿諸史閱朱文公通鑑綱目更兩旬而畢其精  
勤後敏多類是故其施諸注措者皆為模倣為可法知  
遇宣陵比德元首入為臯夔出為方石歡欣鼓舞期  
臻大猷而遽爾殂損豈非命也歟其為詩文類其德焉  
不事雕琢而渾厚端慤自中成律有德者必有言詎不  
信歟

許忠貞公琮磊落有奇節不事家人生產作業所居之室  
湫隘卑陋晏如也每受祿捧卽分恤族戚之窮寒者且  
聚同宗子弟諄諄然勸讀教之不倦尤不喜權勢門無  
私謁卜相數年未盡展施而卒豈非天也其孫許沆阿

附顧叔若狗彘嘗於 經幄垂涕言曰臣許琮之孫也  
庶不欺負甚矣小人情態如此韓忠獻公不獨有仇宵

也

丙辰丁巳錄

許忠貞公琮文貞公琮昆季俱為相而德業俱著國朝所  
無也其姊有文行識鑑享年百歲故門中至今稱之曰  
百歲祖母為二公事之極恭凡朝廷大詔二公必就問  
之 成廟將廢尹妃二公咨之曰豈有子在儲宮罪其  
母國家晏然無故者乎於是忠貞稱疾不往而文貞公  
異詔遞職後廢主荒亂悉誅滅詔當廢者文貞獨免人  
皆服其卓識云

識小錄



卷之八

魚世謙 文貞公

字子益孝瞻之子宣德壬子生二十登司馬 世祖  
二年丙子登第賜暇湖堂歷吏郎藝文直提學承旨  
睿宗朝策靖戴功臣封威遠伯又歷平安監司大  
司憲吏曹叅判戶兵曹判書贊成典文衡燕山朝拜  
右議政賜几杖壬戌卒年七十一

成化己亥奉皇勅征遼州衛大捷世謙為奏聞使仍獻俘  
至遼東太監及提兵官都御史等語之曰彼虜人及首  
級何必并獻京師首級則付遼鎮人口則付親戚不亦  
可乎吾等當具由奏聞世謙曰獻馘王庭故也奏捷而



無其實將何以驗洎復數三回主人為設筵公揖而不  
跪御史曰何不跪荅曰我奉 殿下之命來朝京師諸大  
人特設宴以慰我耳焉得跪飲

東閣雜記

公抵北京兩太監問魚有沼放置等事公曰有沼良將常  
思奮不顧身募踰越險遠人馬疲極江水旋解芻糧已  
盡罷兵而還誠不得已我 殿下恐失朝廷約束直以  
大義裁之耳再遣他將終有成績我 殿下忠勤朝廷  
豈盡知乎是行也使事甚重公以禮周旋中國之人莫  
不偉之

夏還自京師獻所得五倫書文翰類選律條疏議國子監

通志趙子昂書箴四軸 上曰前後赴京宰相進籍者

多而今卿所進予甚嘉之賜馬裝豹皮

並行狀

甲寅 成康幸 先陵仍拜影殿于奉先寺魚世謙以大

司憲扈從寺僧欲饋百官世謙諫曰以堂堂扈從之臣  
受僧施食於國體何況百官皆自饋飯不恚無食 上

曰任爾不食世謙與諸臺皆不食

東閣離記

成均儒生以作詩譏師長繫獄者多飢公啓曰法見匿名  
書焚之今有詩無名是匿名書也在所不問且遠方儒  
生專仰館廩今繫獄供饋皆闕是亦可悶 上曰宜即  
速放又 命承旨往檢供饋



公於經筵進曰漢唐之世宦寺專權而人主亦不悟終至  
於亂亡大抵救火於焯焯止水於涓涓則其功易

丁巳秋公於經筵講至漢明帝臨雍拜老曰人君以誠意  
正心為學然後能不惑於他岐明帝之學章句而已未  
聞大道故惑於佛教為萬世基禍之主唯我 成宗深  
斥佛教命勿度僧今者創寺於 宣陵旁雖 上殿之命  
殿下當舉大義以請止也內需司之儲無非國之物也  
費於創建寺刹而請此非國家所出豈可乎 成宗解  
佛御書具在實錄實嗣王龜鑑 殿下以此  
遠有一儒生於試策請建寺刹以穰大臣皆欲置之而

成宗命黜遐方僻佛之意此亦可見臣前者祇事

宣陵見寺在陵旁金鼓震動所當撤去宣因改作

並行狀

李克塏見金駟孫史草言於揔裁官魚世謙世謙不應乃  
言於柳子光子光大喜卽乘夕携酒注盧思慎筵從容  
酒酣言及先廟受恩之後仍相與潸泣以感動其心  
遂言及史事共密告魚世謙以告罷相

野言別錄

公天性樸而不露汪汪若萬頃波自少恬於進取口不出  
利祿之言雖有射御折衝之才未嘗自衒事親至孝與  
妻子愉愉未嘗有愠色惡衣服而朝服則修整菲飲食  
而祭祀則豐潔所居之室累土為階不加丹堊寢房數



間書室獨坐一事披閱一飯不休一張琴瑟一具博奕而惟酒無量客來輒對飲而釘鐺草草筵席肅然如處士之居焉其待人也平心下氣雖公孤至而未嘗修邊幅子笈在而未嘗傲氣色常教子笈曰吾宗鮮少有來見待之以親疎内外非余志也

居官廉簡嚴明所在有績又善治劇部決如流案無留牘為文章操筆立就出於胸中不拘常格自成一家嘗從事八道凡山川風土歷覽遍記其文益肆平生未嘗作一書為子笈求恩澤浚以盛滿為戒

既疾內醫金真守來診曰宜灸公曰七十希壽政至極品

二者得無復有何冀況先君七十一而逝我亦今年七十一死且何憾而必灸求活哉


並行狀

舊例典文衡者官至三公則遞其意三公則論道經邦不可下兼文衡事也弘治年魚公世謙以大提學陞右叢政朝訖以為當令文章之士無出魚右遂令仍帶文衡魚公之始為大提學以孫舜孝許琮辭之及其躋相亦有成倪洪貴達而魚公之不讓朝訖之不改未之知也中唐朝李容齋金安老皆以叢政而不遞文衡蓋援

魚公之例也

詳官雜記





魚世恭 襄甫公

字子敬世謙之弟 宣德癸丑生 世祖二年丙子

癸卯丁亥以承旨 特拜咸吉道觀察使討李施愛

叅敵愾功臣封牙城君官至戶曹判書

成化丁亥吉州人前會寧府使李施愛謀叛殺節度使康

孝文等遣其黨來達 命龜城君浚為都摠使右贊成

曹錫文為副徃討之余祖襄甫公諱世恭時為左承旨

命趙嘉靖代申泐為咸吉道觀察使公在途咸興人

又作亂殺前觀察使申泐亦施愛之謀也公入安邊府

人民逃散者什九至咸興府無一人迎候者出巡野外




民家皆空徃徃逢人皆走伏草間輒招呼曉諭曰朝廷  
討賊施愛而已於汝人民無預也其各安業如故仍給  
農糧使相曉解或謂公曰刺客可畏不可不脩公曰若  
設兵衛益生民疑只卒使軍數人而行一日獲賊黨韓  
崇智諸將欲稟朝廷公抗詔曰軍中之事制在主將且  
咸人如崇智者非一莫若速斬以孤其心以斷群疑遂  
斬于大門外咸之軍民欲免其罪爭鳴首亂者姓名投  
于都撫使公曰不可盡誅遂焚其書軍中反側者乃安  
官軍鎮洪原縣夜聞賊來襲都撫使欲移陣避之公曰  
今入賊境人心危疑主將若動無敵自破我軍雖少皆

精銳安可示弱乎乃止明日都搃使又聞賊要夜襲欲  
退陣咸聞頗公不可曰大軍在賊後必不來縱使之來  
彼此夾攻為我擒矣今若夜行賊必來截其敗必矣遂  
止明日躡嶺賊果伏兵欲截輜重官軍逐之乃遁其臨  
危料事如此賊平分咸吉道為南北而移公為北道觀

察使遂安也方時年三十六

祥官  
雜記





鄭蘭宗 翼惠公

字國馨，號虛白堂。東萊人。宣德癸丑生。世祖二年，丙子登第，賜暇湖堂，選入史局。丙戌，重試，連登拔英拔俊兩科。成宗朝，策佐理功臣，封東萊君。歷兵部、使威鏡監司、全羅監司、平安兵使、右贊善、書判書。己酉卒，年五十七。

公美風儀，襟度豁然，無畦畛。早為世廟咒重屢試以事，無不稱。旨一日引對，便殿問周易圖，覺經優劣。公對曰：「佛氏妖書，何得與三聖經比？」并乎上偽，若震怒，命力士擗下，撞之。公神色自若，竟不問。



以衛將勒所部環侍殿庭 上命小臣揮羽扇以召諸將  
餘人爭奔恐後公念此非召將之道獨不應上更令宗  
臣直舉公名以召之凡三召竟不動 上常意公可任  
為將至是見其持重益奇之 恩顧日隆

守北門急患風眩不理軍務者逾月僚佐欲聞于 朝公  
止之曰藩鎮帥臣亟以病聞則 上必驚憂且北道分  
聞人皆憚之迹類規避吾所不敢諸君姑觀我病勢必  
不可為然後馳啓未晚俄而病瘳于時北賊尼麻事之  
部聞公病謀欲入寇公調知之力疾而起與僚佐籌之  
曰兵有先事攻心之法此可以計撓之乃聚城底胡酋

數十人語之曰有朝旨令節度使將五鎮兵討尼麻事以懲前日寇邊之罪爾等亦當從軍因與約為期日而遣之尼麻事聞之怖以為大將軍至逃竄山谷遂失耕獲馬畜多斃數歲不敢窺邊僚佐服公機智欲具由以啓又止之曰職所當為何煩問為

閔世距京師遠人不知學監司李啓孫始立學規聚道內子弟之穎秀者教之經史公繼其後以為人不學則無以知親上死長之義乃因前法而益修之置其飭廩嚴其程課暇日則躬詣學舍閱其藝業能者獎之自是列邑之人皆與於學登第者輩出詩書之習至今不衰



公之力也

公好讀書或夜分不輟其難解者不甚講究至於理道所  
關及治亂與亡所由判處未嘗不反覆細繹撤首撤尾

然後已

並碑

李從生 莊襄公

字結之咸平人永樂癸卯生 世祖六年庚辰登武

科歷寧遠府使平安東西中三道節度使忠清廢尚

兵使策敵愾勲封咸城君燕山乙卯卒七十三

少有咒字及長善射御甲申 世祖選武士觀射于禁苑

公三發皆中鵠 上大加褒獎拜潼關僉使

丁亥李施愛叛 上命將公為先鋒至蔓頗賊甚盛左右

皆褫魄不敢進大軍亦不至公乃下板櫓左右揮之軍皆

股栗鼓譟而進公躍馬奮擊賊披靡大軍結至望見曰

彼黑面大頂王者誰軍中告曰李衛將也凱還策勲是



年以 皇帝命助征建州衛擒其巢穴而還

己亥尹弼高征建州時公為衛將江路冰滑馬顛墜傷元帥驚救曰若非公誰先鋒乎公即上馬直入賊穴焚燒廬帳而還元帥勞之曰是役之捷皆公力也

公天資質直稟性寬厚居官莅事務遵大體待人接物和氣藹如嗜酒無量亦無酒失朋舊謂之酒德

乙卯當國恤悲毀成疾而終

並潛谷舊錄

李德良

字君舉金城人年二十三擢武科 世祖丁亥以會  
寧府使討李施愛策敵愾勲封全義君歷四道觀察  
使三曹叅判工曹判書大司憲卒年五十三

公身長八尺俊偉不常竊然有遠到氣象幼時謚政成公  
奉祖見而奇之曰是所謂千里駒妻以外孫女及長善  
射御擢武科 世祖召見深器之為刑書正郎判書書  
公錫文初以年少易之及試其能甚嘉歎

上凡有駕幸必以公為大將嘗謂公曰汝為大將年少位  
卑官高者多隸焉汝得無嚴憚耶對曰臣雖卑既受命



為將何敬憚之有 上笑曰異日汝必為良將

公嘗入侍于內 上命草招撫野人諭書公謝曰臣武人  
不敢 上曰茅為之及製進 上嘉之曰雖文士何以  
加此遂用之居無何虔源府使缺代以公階加通政蓋  
將欲大援故試使之臨民制敵而高其秩也

為大司憲朝綱甫坐義禁府訟獄平歷事 三朝終始一

心所之有敵平生不屑屑於財利亦無心於敵色但爰  
酒每對客飲見天真乃已

並洪唐白  
貴達棋碑

成倪 文戴公

字磬叔號慵齋仕之第正統己未生 世祖五年己

卯進士壬午登第薦入史局兼弘文正字又登拔英  
試丙申重試賜暇湖堂歷直提學副提學承旨大司  
成閑東西也三道觀察使禮曹判書典文衡燕山甲  
子卒年六十六

公聰秀異常十餘歲恭惠公卒與兩兄廬于墓側三年學  
業讀書不輟伯仲視其學日盡進大奇之曰能繼吾家  
者必是兒也

睿宗卽位抄選經筵官只置六人公其一也常引入卧内



講論經史時人策

乙未隨上黨府院君韓明澮朝京與李瓊全崔淑精同行  
二人皆有才名公相與唱和應答如響滔滔不竭二人  
皆服

陞副提學 成宗方尚文雅公嘗上八條封事 上大加  
稱賞賜宴于內御書廡之又命公製宋朝群臣請黜五  
鬼表既進 上歎賞命貼坐壁因加褒賜

戊申董越王啟奉詔來公應接盡禮相與唱和兩公歎服  
後見本國人赴京者必問公安否

持拜嶺伯時方剛定樂律朝訖以公專掌其事不置外任

命遞之特拜禮曹判書公以濫超辭 上曰卿知禮  
樂故特授之予久欲授卿此職今亦晚矣何濫之有

嘗以承旨見罷與蔡仁川壽約遊金剛野服青然探奇窮  
勝戒諸僕勿言名職郡邑莫知為誰也少時學琴通曉  
律呂對月鼓琴翛然遐相望之如神仙中人

遺書曰凡闕喪葬務從簡約門前駕牛挽章只十以表我  
儉素之意蒙 上恩官至六卿無德可述只用表石勿

用碑

並行狀

公作鵲巢說云諺傳鵲巢午地則其家主得美官吾家南  
園有栗樹一株鵲巢其顛數年蒼籬未幾擢重試陞銀



臺按察閱東西兩界人皆云鵲巢之所致也近者鵲又  
來巢隣族盈門來賀頃之自樞府降為行職蹇躓困頓  
之餘又得風痺卧席數月僅賴藥餌而愈家中僮僕相  
繼得病卒使仲子背逝棲棲治喪萬事尾裂何前後得  
失之有異如是以今思之前鵲之來適值余昌運發揚  
之時後鵲之至又遭余衰老消縮之日夫治亂運也寵  
達命也貴賤時也鵲之微物焉能作為於其間

公性踈豁不拘樂易無競君子人也文章如水湧而山出  
少時行至典牲署南時微雨馬噴沫不能進忽覺暖氣  
射面如火又有醜氣不可堪見路上東谷有人著簑笠

長數十尺面如藍目如炬公自念若失心必墮彼計遂  
控馬縱目視之其人便回首登空而去公曰信乎心定  
則恠不入也

公與蔡耆之作遊山之行約以互相為僕蔡為僕則主人  
輒喜待求無不獲公為僕則輒遣主人之怒多被驅逐  
之辱公謂蔡曰君以何術能致主人懽蔡答曰八主家  
凡有所見之物無不贊美公依其言偶見主人之妻跣  
足汲井乃曰婦人之足甚白皙美好也主翁怒持杖逐  
之曰吾妻之足雖白何與客耶公見辱而還謂曰吾依  
公言贊主婦之足而反逢其怒何也蔡曰君譽其妻彼



必妬其有意逢辱固也相與大噓


廢主末年追罪言者皆置重典公亦以首諫寵偉之事被  
泉壤之禍二子流竄

洪寺正公與成石相世昌相許為友嘗於正月雪後乘夕  
訪之就東園別室閉窓穩話夜半有琴韻出於庭際潛  
穴窻視之有老翁就梅花下掃雪而坐露白髮橫短琴  
清音響持

四佳之後虛白挺大古今衆體無不作其所著述之富諸  
公無與為比樂學執範懋齋叢話桑榆脩覽太平通載  
皆其所述一時推為文府其中桑榆脩覽六十餘卷皆  
紀國朝故實最閎世道而亂中見失

晴窓  
軟談





柳洵 文僖公

字希明文化人歸老圃堂正統壬戌生十九魁司馬  
世祖八年壬午登第丙戌擢重試又登拔英試燕  
山末年為領訖政 中宗反正策靖國功臣封文城  
府院君甲戌再入相丁丑卒年七十七

成宗朝為副提學 上命召下美人圖令賦詩以進結聯  
曰君王自是跡蔽色展盡猶應寄一頻 上稱善命工  
粧纈為簇

燕山時為首相欲去位不得辭欲匡救徒觸忌常憂煎自  
傷



公耽翫書籍雖職務煩劇未嘗廢至於字學頗極精微醫  
方地理無不用功性又節儉不好華侈不喜宴遊般樂  
友爰兄弟兄渭居抱川窮窶每時節製衣遺之弟沈抱  
疾親考方書迎醫別劑以救衣具施贈視兄如一

並潛  
谷舊

錄

三大將舉事日以文城柳洵為舊相召之文城馳赴之未  
三鼓也道逢辟除問曰誰也下人對曰都承旨姜渾也  
必錯聞更點而詣闕矣公使謂曰今日太早非詣闕時  
也吾之所徃令公必隨來不然不可說也姜訝之仍踵  
其後到南小門洞口遠見訓練院人馬駢闐燈燭煒煌

猶不知為何事文城駐馬謂曰今日跟老夫不可造次  
難也大事至矣姜始懼甚既下馬緊隨文城而進三大  
將見文城而起讓席再三坐初定平城瞪目指之曰此  
何人文城曰乃姜渾也老夫帶來矣平城曰前有約必  
先殺之今不可留也文城悚震無言見菁川祭文城之  
色急謂平城曰目今據攘之際書記無人姑使掌之  
殺之猶未晚也平城咆哮而止姜遂舉手執筆左承右  
奉能得其機遂皆稱善竟策勲為晉川君自此事文城  
如父兄朝夕必謁新味必薦至於內外奴僕亦皆傾心  
厚施公沒之後事夫人未嘗少怠治其喪尤加意焉



中宗四年二月

命追削反正之日八直承旨尹瑋曹緒

衡李堦等靖國功臣大抵皆姻婭請囑權鈞高卧門外  
姜渾韓洵朝服詣闕被拘軍門皆錄功籍特此三人見  
廢主窮困投身托命而反誑誘走出物論所嗤至是

上以節義責臣下

命政府六曹收訖柳洵少氣節無

是非獨啓曰臣是反正日首相聞度蒼茫莫知所出而  
亦與勲籍覩然治世臣與三人實同形跡不敢獻訖聞  
者是之

己巳閏九月領訖政柳洵罷洵起自布衣以文墨出身歷

職清顯無迂於世遂至台輔燕山之朝以首相專事唯  
諾及反正之後例加功臣之號自度被污已甚亦無所  
達明而復事依違臺諫侍從交章論罷亦不自咎讓至  
是因天變更論而洵亦固辭命罷

並陰崖  
離記



卷之二十一

李陸

字放翁號青坡居士原之孫正統戊午生世祖五年己卯生進甲申登魁科丙戌叅拔英試又擢重試歷藝文應教大司成慶尚江原觀察使大司憲戊午卒年六十一

公少時倜儻不羈年二十二中生進擺棄家事南入智異山三年不出聞風從遊者雲集人有誚其不習舉子業者公曰士之榮悴有命豈可留心於雕篆小技遂援史諸書矻矻忘倦甲申世祖幸溫陽取士公自頻南至揚言於衆曰不占魏科誓不入洛果擢第一名聞騰



翥

丁酉夏出為忠清觀察使時公之父守梔山郡有旨宣  
召曰父為郡守子為監司交代之際授受甚難其速上  
來時論榮之

甲寅 成宗賓天公為請謚承襲副使公有宿疾親戚皆  
以跋涉之苦止之公曰人臣分義當夷險一節況值國  
之大事豈敢顧一己之私遂行禮部問本朝世系人無  
對者公歷叙本末無少差華人歎服以為識事宰相  
公天性明敏端嚴正直一心奉國終始不渝特通辭書尤  
長於史所著有青坡劇談

並虛白成  
俱撰評

許琛 文貞公

字猷之琮之弟正統甲子生 世祖八年壬午進士  
成宗六年乙未登第賜暇湖堂歷校理弼善直提  
學承旨全羅廢尚兩道觀察使大司憲吏曹判書燕  
山甲子拜右議政乙丑卒年六十二

公幼而聰穎端秀迥異凡兒既長就學恃覽強記經史子  
集過目未嘗忘大為時輩所推服與兄忠貞公琮齊名  
忠貞公奇偉卓犖公則溫粹精敏雖所造不同而士林  
翕然皆景仰莫能相上下焉

時 成廟銳意文治重文學之士思有以作成之乃教曰



業不專不成宜如 世宗朝故事其擇文臣賜暇于山  
房以專其業遂 命公及蔡壽權健曹偉俞好仁楊熙  
止等就藏義寺講習供給之具錫賚之豐出於尋常以  
示寵渥之隆未幾更 命入侍經幄朝夕論思分番迭  
休休日則肄業如故如是者數年 天眷尤注士林皆  
榮之以比登瀛州

己亥春特拜驪州判官有宰相啓曰其文學行誼當常在  
侍從猷納之地不宜補外 成廟曰予豈不知但為此  
者欲暫屈試治民耳請之益固乃 命進

癸卯春始設侍講院選擇朝臣之有德行文學兼脩者充

之乃以公為弼善時公所交遊與申澁濩權健霄偉俞  
好仁金訢等皆以文章見重於世上尤眷注命公  
及澁濩等每於歲終繕寫一年所著詩文以進以備清  
燕之覽儒林籍籍以為曠世之榮

壬子夏撰嘉善拜全羅道觀察使冬憲府啓曰為監司者  
徵歛郡縣以應人求者或有之請禁之成廟曰如某  
廩正必不為此

拜大司憲遇事敢言朝綱頓肅然持心平正不容私意於  
其間故人愈信服而罔有怨者皆以為近來任風憲得  
體無有如公者



公赴朝行李蕭然帶行通事等相語曰宰相之心我皆知之未見有如公之清者至大都牙僧細人不得賈賣皆笑公為貪宰相將還遼東大人疑賢弓角而敗密令搜索公謂其人曰此出於聖旨乎抑大人所自為乎弊邦敬事皇朝出於至誠故朝廷亦待之無外異於他國今疑而欲搜行橐於外人視聽何如恐非所以示天下也且我國前承聖勅屢征野人因此搆怨為我世讎若聞此事則亦必指笑以謂朝鮮麗附上國而反為所疑此亦無乃有妨於事體乎遼東大人聞公語愧悟曰宰相言是也我不及此遂止

已未拜戶曹判書兼同知成均館事都摠府副摠管知成  
均館事洪貴達啓曰學教師表之任所係重大請專委  
某以成均之事以責作成之效燕山曰戶曹掌賦摠府  
典禁兵所係尤重不可人人而授之其連成均同知

特拜吏曹判書曰用人以賢古今通論特起一資以行吏  
判之任命下之日朝野相慶以為得賢判書公廩方公  
正復有操鑑掄選注擬咸適其才人莫敢干以私亦無  
怨其屈滯者門庭蕭然無異平昔前浚掌銓衡者物論  
翕然皆以公為首

時三公缺位滿朝想望一日燕山命召右叅政柳洵等叅



置相仍傳曰三公之任變理陰陽所係非輕以一家言之屋雖傾危棟樑若良則可以久存君雖傭暗苟能相臣執德輔導匡救則可以長久而不止今欲以某作相謀諸卿等而卿等亦以為然是臣主之意皆協卽當拜之也洵等啓曰臣等備員而已如某名望所在今日卜相得人臣等不勝大賀燕山卽命召公教曰朝臣非不多擢用卿者予意有在卿其知之公辭曰夫所以擢用必才德特出而後可以當之臣於朝臣之中德望最下庸劣無似今蒙拔擢不次已甚請辭燕山曰雖小官必人器相當而後可授也況台鼎之任乎物論皆以卿為

可故援之也公又辭曰朝廷官爵當以此遷轉臣規祖宗以來未有二品陞三公者三公之職所任重大以臣庸才恐不能堪臣之所以固辭者出於誠心非為虛文也燕山曰古云爵人於朝與衆共之苟可用也何計資級擢卿為相衆論所歸其無辭但以赤心輔予一人仍賜犀帶一腰

乙丑春患風疾漸至彌留燕山遣內侍金子遠問候曰三公之任不可輕遞望速調輔以匡不逮因賜內厨珍羞甚優公對曰小臣無似特蒙上德待罪三事嘗欲竭犬馬之力庶報萬一今至於斯恐未復覩天顏也公於病



中勅子第曰我疾定不起矣然年踰六十位登三事固  
無遺憾矣平生雖蒙上恩得至於此無勲業可記慎勿  
豎碑喪事務遵儉約勿用豐侈以重余過生必有死理  
所必至如斯而已爾輩亦無慟也疾革妻子哭泣公聞  
而止之曰汝輩不讀家禮耶醫來診脉曰六脉俱順公  
曰脉順乎予不喜也惟欲其速絕耳遂不進藥略無留  
人世之意蓋憂時事而然也

公天性恬靜寡欲從容溫粹純和之氣達於面目語默動  
靜端詳閑泰不露圭角口未嘗言人過失平居怡怡無  
疾言遽色雖子弟奴僕未嘗見其有喜愠之色及其臨

事處決毅然不可犯治家淡泊生產作業略無經意入  
則唯終日讀書而已雖貴為三公四方無田園之殖唯  
所業所傳數頃而已一家百口取給祿捧而他無長物  
焉平生孝友尤出至性事慈闈以色奉寡姊以誠日相  
聚會嬉笑飲食而盡歡意交朋友接人物亦淡然無偽  
故莫不敬而愛焉性不喜榮進無汲汲之意常以漁釣  
為樂每往來林泉必休告信宿而返其冲澹雅趣如此  
至於居官莅職守正不撓終始一節處事精簡不為煩  
擾而自理雖久操權柄而門無私謁清約如寒素之家  
卒之日家無餘財僅辦喪具親戚故舊來見者尤服公



公之清德以為不可及

公之舊筭茅茨湫隘無旋馬之地或言太濫曰在公則安而妻子可憐可治筭以

公為詩文淵深精確斥去浮靡閑淡簡遠追乎大雅然不

事表襮恒若不足焉

並金墓齋  
橫行狀

盧公弼 交城君

字希亮思慎之子號菊逸齋正統乙丑生 世祖八年壬午司馬丙戌登筭歷典翰副提學六曹長官右叅贊官至領中樞府事賜几杖 中宗丙子卒年七十二

燕山甲子杖配茂長非其罪也秋丁外憂時方短喪制雖士大夫畏罪怵禍鮮守古禮公於配所設神位哭行朝夕奠服終三年

中宗卽位請承襲未蒙 允朝廷舉公更遣禮部猶執前議公陳請誠切竟得權署勅而還



公事親誠孝老而彌篤每遇節日躬詣先塋掃墳祭收恤

宗親周救婚喪不喜紛華弊衣惡食晏如也

並潛谷  
舊錄

正德二年盧公弼回自京師帝降勅曰惟爾署理本國

大小庶務以國王體統行事益敦孝睦以係群望朕將

有後命時金應箕等請誥于京師禮部題準以為頒對

一國衆論之公庶名正言順而群情允愜故盧公弼崔

淑生將王親文武官共一千三百餘員會定議奏以聞

禮部又題準姑令權署國事公弼卽具題以進其略曰

竊惟署國事者蓋因國內無主未受命於天子時從

權假為之事也安有權道久處王位上應藩屏之重寄

下浞一國之民志乎且聞危病鬼之伺也大位奸之窺也國王之痼疾彌留新王爵命未加國事無統人心未定脫有不逞之徒煽動其間使國內不靖豈不貽朝廷之憂乎蓋天子之鎮撫四海也近者懷之遠者柔之使四方得安其職至於匹夫匹婦亦莫不各獲其所今我弊邦王位虛曠已踰一年舉國遑遑無所控告一歲之中使价再來請恩命而猶未蒙允使弊邦名分未定國勢危疑非聖明綏遠之道也禮部又題準以為今若允許則王位之位在於二三陪臣之手家事任長再具於王大妃奏本以來至明年春乃賜誥命

日月錄



[illegible]

安琛

字子珎 正統乙丑生 世祖八年壬午生 進丙戌登

第 賜暇湖堂 歷修撰 敕納應教 副提學大司成 忠清

全羅平安三道觀察使 官至工曹判書 中宗乙亥

卒 年七十一

成宗乙未拜 敕納一日因朝對極論公主第宅踰制時任  
士洪為諫長其子先載尚公主甚恨之 卽會兩司于朝  
房士洪揚言曰臺諫頂訐同乃啓同啓非眞公曰言官  
當各盡抱蘊若有所待必碍言路士洪愈執不迴具以  
啓 上卽召對令陳狀知不可相容並許遞之



應教時任士洪為都承旨勢焰頗熾公與同列論發其姦  
上震怒同官皆見罷賴宗室朱溪正深源極諫陳士

洪陰邪狀 上大悟卽斥士洪而復公等職

公性端雅簡靜自少為儕輩所推許所與遊皆一世知名  
士為文章以達意為尚遇物措思音韻皆諧筆跡典重  
得松雪遺法求書碑碣屏障者日相結 成廟大加獎  
異累下內紙 命書進其見賞遇如此


公以教化自養士始所至必以真學為務其為大司成教  
養誘掖皆有課程患諸生食堂陋隘斥以為廣又患學  
宮與閭閻相溷收買洞口 撤之以西泮水為限及

為平安道觀察使設作成庫以瞻學廩至今猶遵不廢  
平生未嘗言人過失然國事亦不為避其斥士洪也公主  
之甚力故士洪銜公尤甚及燕山末年士洪平日所睚  
眦或至闔門遭禍常恐不免惟務與世浮沉而已 聖  
朝中與公已告病而 上猶以耆舊特擢為六卿亦異

數也

並容齋  
符璣碑





蔡壽

字耆之仁川人正統己巳生 世祖十四年戊子司

馬 肅宗元年己丑登魁科 成宗七年丙申重試

歷吏郎典翰承旨湖西關西兩道觀察使大司憲

中廟反正叅靖國功臣封仁川君乙亥卒六十七

公招拜同副承旨至是釋褐適十年人榮之以為一舉首

登龍席榜十年身到鳳凰池正為公道也公以不次乞

辭 御筆扶尾曰予觀明鏡妍蚩白露莫鋪區區之辭

聲竭斷斷之誠至左承旨坐事當遷 命降左副政院

啓曰院中上下之間禮分甚嚴當遞不當降 答曰如



某不可不在喉舌卿等安知予有何意不數日招援都  
承旨再三退辭 御札荅之辭旨丁寧至引古名臣以  
勉之且曰一身榮辱禍福皆在欽之一字其器遇之隆  
如此嘗入對因天變極論丙子之連坐多濫久竄遐裔  
豈無冤枉 上大感悟疏放凡數十人

大司憲閔 上適幸浚苑 命入侍大臣薦堪職者公亦  
在薦中 上權拜之召公教曰憲長須用慷慨人卿為  
承旨久予知卿心是以命卿 命都承旨李吉甫取金  
帶帶之

一日侍經筵與校理權景祐同啓尹氏雖廢曾配至尊而

今處閭閻奉養亦窘請別置一室官給廩餼上震怒  
鞫問壽對不屈又下禁府鞫之壽對如前竟赦不加罪

三年始叙

初公在侍從察任士洪父子奸狀倡同僚上章力辨且言  
不去將敗國人且恠之以為太甚浚士洪果敗是服其  
先識士洪怨公至骨至是當國凡平生所嫉惡者必置  
死地乃已人皆為公悚懼公曰死生在天略不為意雖  
在遷謫中言笑怡然無異平昔

中宗即位叅請國勲進階封君公見一時朋儕凋謝殆盡  
卿相以下皆後進晚輩班列無可省識乃歎曰少年知



遇會祿已四十餘年榮幸已極不去何為遂退啟咸寧  
村舍老焉舍南有斷峰臨流斗起就其頂構小亭名曰  
壯哉日與子姪群逆觴詠為樂縉紳間往往為詩文賡  
詠其事而稱慕之以為名遂身退今世一人而已

公天性素宕不拘與物無忤唯好讀書雖疾病未嘗釋卷  
不過數遍成誦平生誥愛山水罷承旨後與成公覲遊  
金劉大憲後遊俗雅行具草草如布衣時唯以琴酒自  
隨人莫有知者山僧亦以指大目之

並容齋李  
衍祺墓誌

蔡仁川壽嘗為都承旨時金相壽童為注書年少登筭容  
顏秀美處事精敏仁川公每嘉歎不已仁川夫人適懷

子當產仁川每仕罷還家語夫人曰君若生子當名壽  
童未幾果生子遂命名壽童卽叅判公紹權小名也其  
後仁川未免嘉善而金公已居首官路翻覆若此可笑

謏問○又見金相  
鎖錄 壽童傳

蔡仁川壽為壯元而婿金頤叔李次野俱壯元一日為龍  
頭會中婿金延昌勛亦欲與之以非魁拒之金公令其  
夫人往告之曰小婿三十五為大提學乞以此人叅也

仁川笑曰此不可不許叅也遂召而與宴云

識小  
錄

尹氏之廢也 成廟嘗以諺書書其罪遣中使及承旨一  
貲逐日隔帳諷讀冀其改過而復舊位尹氏終不改亮



賜死燕山臨朝盡殺其時承旨而蔡壽以不解諺文獨

免死

野史類

李蓀 胡簡公

字子芳廣陵人正統己未生己卯進士 世祖朝以

善弓馬 命補宣傳官 成宗元年庚寅登文科歷

副提學忠清黃海全羅三道觀察使吏兵曹判書

中宗反正叅靖國功臣封漢山君官至左贊成賜几

杖庚辰卒年八十二

公性稟寬厚心存敬謹其居家事親以孝處兄弟以友恩  
育諸族不間踈遠疾病死喪護救備至常食于家者亦  
不下數十人家儲屢空略不為意居官務持大體不事  
細察至決大議未嘗少撓其聽訟剔繁撮要剖斷如神



吏莫容奸民莫隱情其治民寬不至縱威不至苛蘊羸  
駁授納之大軌故所至必有勲績盡可稱述聰明之性  
出於天賦一經耳目終身不忘國家典故文物以至山  
川道里民情物狀纖悉究到凡有疑質應荅如響言少無  
遺失後進者倚以為著蔡焉

既老與柳領相洵安判書琛及諸老之少時同遊南庠者  
結為九老會每良辰佳節扶携子姪迭往來為娛一世稱

美事

並容齋李  
斧撰碑

權景祐

字

人 成宗元年庚寅登第選入翰林歷

正言校理官至戶曹判書

成廟朝以監察充書狀官赴燕譯官濫賣物貨駟路騷然  
其屬托之家多聯權貴公一切探索以聞苟托一布者  
皆鞫于詔獄 命趙公三級

為正言倡臺諫請黜任士洪言甚抗直士洪乘夕抵公陽  
為不知者曰誰敢為此論者公直答曰直我敢爾士洪  
氣沮不敢出一言而退

在弘文館論廢妃雖有罪不宜褫處閤閤 上震怒以為



陰附世子為浚日地

命下牢獄責詰備至公略不沮

挫開陳誠惻援據歷代人主待廢妃事益剴切上霽

威只罷其職

並釋官  
離記

金訢

字君節號安樂堂

人正統戊辰生 成宗二年

辛卯登魁科賜暇湖堂選入玉堂歷直提學藝文應  
教官至工曹叅議壬子卒年四十五

胡簡有三子長文貞公季令領相公公其仲也少與文貞  
俱業於估軍齋之門大被稱賞在儒冠名動縉紳間  
公資稟甚高志氣超邁表裡洞澈無一點查滓為文章簡  
古精到嘗侍經筵論事觸諱 天威震怒左右為之恐  
公徐徐辨折不少動及奉使海洋卒遇風濤舟中皆叫  
號失措公獨端坐吟嘯自若其不以死生利害撓其中



如此公之所自得者不但文章然也

並容齋李符撰碑

丙午直提學金訢以命進獻其外曾祖成概所書魏徵十  
思疏兼進劄子以寓規警之意上乃賜經御白綃帖  
裡忝皮靴且手札金牋以賜曰省所上劄子與魏徵疏  
軸深用嘉焉徵之此言實萬世之蕃龜也甫父勸汝以  
魏徵自許甫又勸予以唐虞同治可謂父愛其子臣愛  
其君者也予雖不淑其敢忘之嘉汝之誠賞以縻之常  
置左右以自警焉書之楷正固無所敢特陞訢為工  
曹叅議陞其父友臣為丹陽郡守

忠敏公  
雜記

公早升堂於佔畢齋得其淵源今觀其詩簡正古雅削其

世俗華艷一至於精深如冠冕佩玉散容節度可敬而  
儀也余謂之詩非東方之詩也現其所用力直欲寫出  
性情之蘊遠追古人意趣所謂夔越常情卓然有見  
者也


顏樂堂  
集跋

壬寅余誤恩西清一時魁傑雄俊之士林立而心所敬服  
者獨吾君節耳嘗欲鄒章論事總思穀日過君節質之  
則微笑若有所思索筆盡抹去命易他紙颯颯風馳而  
雨驟筆不暫停湏臾已盈數紙涎傍睨之出入古今援  
據精切文彩爛然如涎渡者雖罄終身之力其敢望其

髮髯耶

申涎渡  
撰墓誌





俞好仁

字克已號潘溪高靈人正統乙丑生世祖八年壬

午生進成宗五年甲午登第賜暇湖堂歷校理掌

令甲寅卒年五十

公幼而聰睿器宇天成年終踰紀華間已播壬午俱中司  
馬兩試佔畢齋金先生為咸陽郡守一見奇之許以忘  
年

公忠孝清白居家不事產業妻孥不克有窘晏如也性沉  
重簡嚴常不動聲色而子孫僕妾畏之如神明

並林葛川薰撰

狀行



公詩文高古筆力遒勁時稱三絕佔畢公文行冠一時公  
不讓焉公臨終語其子進士瓊曰君子須要不欺君汝  
若得一命當思我言家于潘溪因以為號

潛谷  
舊錄

姜私淑希孟送公啟養序曰金侯宗直為郡守

咸陽

尚文教

傍近子牙羸糧而就學者毋慮數十人若夏山曹公諱

太虛氏高灵俞公好仁克己氏皆使君所陶鑄而雄文

鉅筆馳譽南州者也一日使君與俞公克己氏偕來景

醇出迎于座目其貌沉靜而簡默耳其言暢達而若訥

乃知非凡士也徐觀其為人則學問精博詞藻雄渾不

規規於事為之末而超然有薄榮利而崇道德者矣

鄭一壺祭文公曰惟灵大氣鵬舉竒姿豹蔚雲烟千紙風  
雨一筆早擢蓮榜晚登桂籍儒林宗匠玉堂巨擘王  
用玉汝儲養文局為親而屈再製錦黻才非百里豈可  
小邑茲承 綸命宜待帷幄文章緒餘忠義奮激竟入  
烏臺庶振邦國西山日薄烏鳥情切特候江陽五鼎何  
朱鶴髮在闡未及輶迎安知微恙遽至易箆遠近聞  
赴孰不痛惜

魚得江銘公曰久矣黃壤埋此白璧四十年来但一片石  
清庙之器藍田之出一團和氣溫而有栗德行既文章  
餘事漢郭有道宋陳處士石雖爛矣萬古香名我不諛



墓無愧於銘

俞好仁在 成廟朝以文章最承恩寵親老乞養由修撰  
除居昌由校理除義城最後以掌令又乞啟養 上使  
之輦母來京以病不能致 御札下銓曹曰事親日短  
可除其隣晉州牧使銓曹辭以不可無故徑遷以毀成  
憲乃待陝川之闕除之好仁雖在外任 上令歲抄錄  
進所著詩文輒褒美賜母食物時曹梅溪偉亦乞養補  
外與好仁同被 肅渥迺出常數人皆榮之東閣  
雜記  
俞公好仁在玉堂 恩顧特優非他學士比每月夜遊宦  
者數人遊慶會樓池中小舟僅受五六人獨命好仁遊

之有若唐玄宗之待李謫仙也好仁以校理豹直上  
從小宦侍一人夜臨直宿之房好仁驚起上命只著  
紗帽而坐從容談論上見其紬衾露敗絮黃染色退  
上曰爾歷官清要儉素如此可尚也卽命宦者持  
御被末因以覆之而去此正與唐文宗幸韋澳同一恩  
寵也上愛好仁之詩才惠澤日隆終不至大官蓋察  
其器不堪為宰輔也時人以是服上之用人之各因  
其才也

俞好仁家在南中每乞改省老母成庙不許一日好仁  
辭歸成廟親餞中酣作詩以歌之好仁感泣左右亦為



之感激異日好仁不辭而去 成廟密遣人跡其行曰

予念未忘于懷渠亦念我乎受命者追及之至一驛亭  
見好仁登樓北望夷猶久之遂書壁上一律曰北望君  
臣隔南來母子同還奏其狀 上曰然渠亦念我好仁

乞縣便養老母 成廟初不許血誠頻年 命除義城

密諭司監曰好仁予之友也為親屈百里善視之未幾

監司考下下 上怒之問監司曰予曾有命何以殿好

仁也監司對曰國家守宰非為榮其身為其親民而執

物也令好仁吟風弄月不治官事是以摘之

並五山  
說林

俞潘溪乞養為山陰縣監訟於吏治尋常文簿不能裁斷



有一民呈狀久無決語乃訴之曰決給不敢望唯欲還  
推本狀而去潘溪無以答通引在旁謂曰出官日所呈  
尚未決汝呈狀纏五日何遽為言可謂過甚潘溪喜其  
捷對曰此通引笑邁矣嶺南方伯拜辭 成廟引見曰  
予故人俞好仁見任山陰縣監卿其斗頓方伯不奉

旨竟以不恤民隱哦詩不報罷黜云 祖宗朝 氣像

於此可見

聖峰  
類說

俞潘溪好仁天性醇謹文章富贍便養乞郡而踈於吏治  
日與諸生討論經史有一村民號訴於牆外曰投狀已  
久迄無黑白極為悶望案前小吏舉頭而問曰汝之所



呈在幾日乎岷曰今已三日矣使叱曰五六日已前者  
尚無寃決汝何汲汲乎姑退而待令可也諸生相顧而  
笑公曰人各有可笑汝輩笑我之政事我亦笑汝輩之

製造矣

松窩  
雜記

